

Byaij Haeuj Luegvaleiz

走进梨花谷

□ Cingh Swmugz / 清似蒙

Baenz benq hausaksak,
Gag yawj gag simmaez;
Lumj doek siet doek nae,
Lox vunz gyaез vunz maij.

Luegvaleiz gyaеundei,
Nazmbaeklae baenz yawj;
Byawz ndaej byaij bae gyawj,
Hawj daengx ciuh nanz lumz.

Gaxgonq, youq gwnz vangj nyi gij fwen haenh Luegvaleiz gvaq, ndawhoz caenh naemj yaek bae cet baez ndeu. Bineix ndwen 3 ngoenz 10 hauh, gou ndaej riengz aen caijfangjdonz vwnz-lenz ndaw cin bae Ginhcouh Si Ginhbwz Gih Banjwngz Cin Mbanj-yiuzduix baez ndeu, ndaej caencingq byaij haeuj Luegvaleiz bae lo.

Dou bae daengz Mbanjyiuzduix, ndwn youq aen diegngongzingj daih'it yawj coh gizgyae, daengx aen Luegvaleiz cungj yawj ndaej raen cingcing cujcu, raen lengqlengq cungj dwg goleizgaeq, langhlangh loedloed, baenz benq baenz ndoeng. Hojsik ha, dou mbouj ndaej raen valeiz angj "lumj doek siet doet nae". Cij mumjmumj gymqgyumq yawjraen saek di vahau lw seb youq ndaw mbaw

heusum haenx. Ngoenzbonz gou lij daegdaengq hwnj vangj bae cazyawj gij saenqsik Luegvaleiz, gij beix-nuengx gwnz vangj cungj daezsingj gou naeuz, mwh ndawgyang ndwen 2 bae Luegvaleiz, gingjsaek ceiq ndei yawj, danghnaeuz seizhaenx ndaej bae, haengjdingh ndaej raen daengz gij gingjsaek "doek nae hung" hausaksak haenx lo. Seizneix valeiz loenq yaek liux lo, dingzlai goleiz cungj dawzaen iqetet lo.

Byaij youq lajgoek goleizgaeq, yawjyawj gij makleizgaeq ngamq maj baenz gyaеudawh nyaenx hung haenx, gou couh ngeix dauq doenghbaez mwh lij iq youq ndaw haw dou doegsaw haenx, ciengzseiz ndaej raen gij vunz gangj Hek haenx geij boux geij boux guhdoihaenx danci doz baenz laep baenz laep makleizgaeq soemj daeuj haw dou gai, sawj dou myaiz yaek rih bae. Gij makleizgaeq de miz di saep, miz di soemj, youh miz di van, ndei gwn raixcaix, gwn bae rox sek dungx. Seizhaenx gij gwn gig noix, danghnaeuz ndaej dawz di haiz vaih, diet rwix bae vuenh ndaej saek di makleizgaeq soemj daeuj gwn guh-caemz, couh dwg gij saeh ceiq sim-

angq lo. Lij geiq ndaej gij vunz gangj Hek haenx naeuz gyoengqde dwg daj Banjwngz daeuj. Seizneix dauqngex hwnjdaеuj, laxlawz gij makleizgaeq soemj doenghbaez lox dou hozgyaez haenx dwg daj aen Luegvaleiz neix okdaеuj ha!

Gou roxnyinh gij vunz Mbanj-yiuzduix gig gvai. Caen dahraix, Mbanjyiuzduix, coh mbanj eiqsei couh dwg coemh yiuz guh duix, ndaw diegmбанj geij giz dieg yiuzgaeuq haenx gaenq lwnh hawj raeuz rox lo, gij vunz ciuhgonq Mbanjyiuzduix ak bw, dinfwngz gvai, rox coemh yiuz guh duix. Youq doenghbi gij gwn lij gig noix haenx, gij vunz Mbanjyiuzduix couh gamj bae cauxmoq, roengzrengz ndaem makleizgaeq lai, caemhcai guh ndaej gij maksoemj ndei gwn dangqmaz haenx, sawj Mbanjyiuzduix ciuh doek ciuh baengh gij makleizgaeq neix ndaej vut gungz baenz fouq. Gij vunz Mbanjyiuzduix seizneix engqgya rox naemj, raen makleizgaeq ciemh bi ciemh mbouj daih dijcienz lo, couh roengzrengz baujhoh baenz benq goleizgaeq hwnjdaеuj, hwnj guh liengzdingz, hai goengloh, guh baenz aen dieg ndei lajmbanj swnghdai

lijyouz. Yawj ha, aen vwnzva gvangicangz de hwnj ndaej geijlai gyaqciq, gij nazmbaeklae byaekvayouz de guh ndaej geijlai gyaеu, Ndoifw, Diegdangz Dingindoi, Ndoidiencingj dajcang ndaej geijlai lengj ha! Geij bi dinjdetdet, Luegvaleiz couh bienq-baenz giz dieg ndei guhcaemz mizmingz Ginhcouh Si. Ak ha, Mbanjyiuzduix baengh gij uk gvai gyoengq vunzmbanj, cingq ciemh ngoenz ciemh ndaej youq ndei gwn van!

"Yaek yawj va mbouj raen, ndaej gaen doih bouxak, ndaej riengz lauxsae hag, gag roxnyinh ndei lai." Baezneix daeuj cunzcet Luegvaleiz mbouj ndaej raen daengz gij "gingjsaek doeknae" valeiz, hoeng gou cix mbouj roxnyinh doeknaiq saek di, aenvih miz gyoengq boux ak vwnzlenz ndaw cin caemh bae, ndaej dox ganggoj dox gyaoulouz, rox ndaej haujlai doenghyiengh moq. Gyang-haemh hwnj vangj, gou youq benqdieg QQ gou fatbiuj le hot fwen ndeu:

Cunzcet Luegvaleiz,
Lauq gvaq seiz va angj;
Caeklaiq caemhdoihaenx angq,
Ndaej ganggang riuriu.

Dahmeiz

阿 梅

□ Yiz Sanh/余三

Aen sigij gonq 70 nienzdaih, Dahmeiz doekseng youq aen ranz binzningz gungzhoj ndeu. Doeklaeng, sam daeg nuengx de hix laebdaeb doekseng lo. Bohmeh de baengh song gaiq fwngz guhhong ciengx daengx ranz 6 boux vunz. Dahmeiz 4 beixnuengx de bouxboux coengmingz lingzleih, cijdwg ndaw ranz mbouj miz ngaenz, gwndaenj mbouj ndei, haеuxgwn cungj dwg lwgmaenz, maenzfaex, megmax caeuq souh haеuxyangz daengj, byaek couh dwg gip byaekdoengh daeuj gwn lo. Daenj buhmaeng vaqrengq, caen hawj vunz hojlienx ha.

Dangseiz fatseng gienh saeh ndeu gou geiq ndaej gig cingcu. Dahmeiz ndaej 10 bi bihaenx, de lij dwg dah lwgnyez ndeu. Raen vunz gwn doxgaiq bak ngah caiq cingqciengz mbouj gvaq lo.

Baezde, Dahvah ranznden cingq gaem aen nyiedbingj ndeu gwn-soebsoeb, Dahmeiz itcig muengh dwk. Aenvih de soqlaiz mbouj raen nyiedbingj gvaq, ndaw ranz haеux mbouj gaeuq gwn, geij beixnuengx hix cingq hwnjhag doegsaw, bohme yawz mizsim goq neix goq haenx cawx doxgaiq hawj geij beixnuengx de? Dahmeiz ndwnjmyaiz byoegbyoeg, daengzlaeng nyaenx mbouj ndaej couh cam Dahvah naeuz: "Dahvah, mwngz gwn gijmaz?" Dahvah angjat dwk dap naeuz: "Daxboh cawx nyiedbingj hawj gou gwn, caen ndei gwn ha, hawj mwngz gwn di ndeu ba." Dahmeiz vaiqviet iet fwngz bae aеu, maqmuengh Dahvah hawj de lai di, liuh mbouj daengz, Dahvah ngamq mbek di he hawj de. Mwhhaenx, cingqngamj deng daxmeh Dahvah nyangzraen lo. Meh Dahvah gig ndatheiq, rag dawz



Ngaizbakranz Duncuz

Dahvah couh fok ndaq naeuz: "Lwghuk ndoq, mbouj ndaej gwn nyiedbingj gvaq, heuh boh mwngz bang mwngz cawx ha, mwngz gingqyienx gamj lox Dahvah aеu gwn, mwngz nyaenq mbouj nyaenq ha? Baezlaeng mwngz caiq gamj lox Dahvah aеu gwn, gou couh aеu naenj mwngz dai bae." Dahmeiz gig haemzndaenq. De roxyiuj, de mbouj dwg lox aеu gwn, cijdwg raen le bak ngah myaiz rih cam coenz ndeu cixbah lo. Miz baez he dwg Dahvah cawjdoengh mbek hawj de di he. Dahvah doiq daxmeh naeuz:

"Daxmeh, dwg gou hawj de da." Meh Dahvah ciepdwk naeuz: "Guenj de lox mbouj lox aеu, couh dwg gaej hawj de, de miz gijmaz doxgaiq hawj mwngz gvaq? Daegdungh ndaw ranz gijmaz cungj miz, mwngz hawj de di he gou caemh mbouj gangj bw." Dangseiz, ranz Daegdungh fouqmiz, meh Dahvah cijdan caeuq ranz vunzfouq baedauq haеujok, yawj mbouj hwnj ranz hojndoq. Dahmeiz dingq le, raemxda doekbyoegbyoeg, aensim iqet de goemq hwnj caengz ngaеuздаem ndeu.